



Randi L. H. Birkeland  
Nedre Kringsjå 3  
4370 EGERSUND

Dykkar ref.:

Vår dato: 19.02.2013  
Vår ref.: 2013/554  
Arkivnr.: 433.0

Postadresse:  
Postboks 59 Sentrum,  
4001 Stavanger

Besøksadresse:  
Lagårdsveien 44, Stavanger

T: 51 56 87 00  
F: 51 56 88 11  
E: fmropost@fylkesmannen.no

[www.fylkesmannen.no/rogaland](http://www.fylkesmannen.no/rogaland)

## Løyve til planting av utanlandske treslag til juletreproduksjon

**Fylkesmannen gjev løyve til planting av utanlandske tre til juletreproduksjon på kartfesta areal på eideom 13/296 i Eigersund kommune for 10 år. Det er sett vilkår om at alle tre skal fellast innan 15 år etter planting. Dette løyvet er uavhengig og gjev ikkje føringar for handsaming etter anna lovverk. Det er til dømes naudsynt å ha løyve frå kommunen til omdisponering etter jordlova sine reglar når plantefelta er på dyrka jord.**

Syner til søknad, mottatt 04.02.2013. Du søker om løyve til planting av utanlandske tre til juletreproduksjon på din eideom på Kringsjå i Eigersund kommune. Vi syner og til 2 andre søknadar om planting på andre eideommar. Dei blir handsama etter søknad frå eigarane. Ein fjerde søknad, der du søker om planting på gnr 13/2197, blir handsama etter at eideomstilhøva er dokumenterte. Vi ber om at eigar av det aktuelle arealet står som søker.

### *Heimel*

Utsetting av utanlandske treslag krev godkjenning frå Fylkesmannen i samsvar med *forskrift om utsetting av utanlandske treslag til skogbruksformål (25.05.2012 nr 460)*, jf naturmangfaldlova kap IV.

### *Søknaden*

Du søker om utplanting av fjelledelgran *Abies lasiocarpa* og normannsedelgran *Abies normanniana* i etablert juletrefelt, innteikna på kart vedlagt søknaden. Totalt areal for heile produksjonen er 3,5 daa. Vi gjer merksam på at forskrifa gjev høve til å handsdame søknadar om utplantingar over fleire år om gongen. Det aktuelle arealet er på din eideom gnr 13/296 i Eigersund kommune.

### *Fylkesmannen si vurdering*

Føremålet med forskrifta er å hindre at planting av utanlandske treslag gjev uheldige konsekvensar for naturmangfaldet. Det er sentralt å sikre at forvaltingsmåla for naturtypar og artar ikkje blir truga av dei framande artane, direkte eller indirekte, jf naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12. §8 sett krav om at vedtak bygger på kjend kunnskap.

Fjelledelgran er vurdert til å ha *låg risiko* av Artsdatabanken (Norsk svarteliste 2012). Normannsedelgran er ikkje tatt inn i den samme lista. Det er ikkje verna område eller kjende artar i nærleiken som kan bli uheldig påverka av tilplantinga. Plantefeltet legg beslag på areal som består av juletre frå før.

Ut frå føre-var-prinsippet (§9) er det viktig å sikre seg mot at plantefelt kjem ut av kontroll, til dømes ved at trea ikkje når alder for frøspreiing. Rutinar for internkontroll må innarbeidast i verksemda.

Påverking av økosystemet skal vurderast ut frå samla belastning som økosystemet er eller blir utsett for (§10). I dette høvet kan vi ikkje sjå at tiltaket legg beslag på eller er vesentleg trugsmål mot stadeigne naturkvalitetar.

§11 adresserer ansvaret for eventuelle skader på naturmiljøet til tiltakshavaren. Kostnader ved å bøta på eventuelle skader eller førebygge skader skal dekkast av tiltakshavar, så langt dei er innafor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultata (§12). Vi har ikkje spesielle merknadar til dette i denne saka.

Vi kan ikkje sjå at planting av desse treslaga vil vere til vesentleg skade for naturmangfaldet. Dei aktuelle treslaga har ikkje stor risiko på svartelista, og det er ikkje registrert spesielle naturverdiar som kan bli truga av tiltaket på eller umiddelbart ved plantefeltet. Det er likevel viktig å sikre seg mot eventuell frøsetting. Det er viktig å dokumentere rutinar for å hindre spreiling, og kven som har ansvar for å sikre hogst før frøsetting. Det er også viktig at dette dokumentet blir gjort kjend og overført samtidig som eventuelt eigarskifte til ny eigar.

#### *Vedtak og vilkår*

Fylkesmannen gjev med dette løyve til utsetting av fjelledelgran og normannsedelgran på avmerka område på kart vedlagt søknaden. Arealet er til saman 3,5 daa. Området er på Kringsjå i Eigersund kommune. Løyvet gjeld i ti år fram til år 2023.

Det blir sett som vilkår at alle trær som er omfatta av vedtaket skal fellast innan 15 år etter planting. Eigaren av arealet er ansvarleg for fellinga. Vilkåret for dette løyvet skal gjerast kjend for ny eigar ved eventuelt eigarskifte.

Dette løyvet er utelukkande gitt på bakgrunn av risiko for spreiling av utanlandske tre, og er heilt uavhengig av handsaming etter anna lovverk. Det er til dømes naudsynt å ha løyve frå kommunen til omdisponering etter jordlova sine reglar når plantefelta er på dyrka jord.

*Klage*

Vedtak kan påklagast innan 3 veker etter du har mottatt dette brevet, jf forvaltningslova sine reglar.  
Klagen sendast til Fylkesmannen i Rogaland, og handsamast av Direktoratet for naturforvaltning  
dersom fylkesmannen ikkje omgjer eige vedtak.

Med helsing

Per Kristian Austbø  
ass. fylkesmiljøvernsjef

Anders T. Braa  
viltforvalter

Dokumentet er godkjent elektronisk av Fylkesmannen i Rogaland og krev derfor ikkje signatur.

Saksbehandlar: Anders T. Braa  
Saksbehandlar telefon: 51 56 89 14  
E-post: fmroatb@fylkesmannen.no

—  
Kopi til:  
Egersund kommune   Postboks 580   4379   Egersund